



Aqqalu C. Jerimiassen
Atassut

UKA 2021/124-125-126-127/1
12. oktober 2021

Imm. 124: Ingerlatsiviit pillugit inatsisip allanngortinneqarnera pillugu inatsisini assigiinngitsuni aalajangersakkat ilaasa kunngip peqqussutaatigut Kalaallit Nunaannut atuutsilernissaannik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut. (Piginnittuiit pillugit malittarisassianik piviusunngortitsineq aamma aalajangersakkanik attuumassutilinnik nutarsaaneq)

Imm. 125: Inuussutissarsiutigalugu aningaasaateqarfiit pillugit allannguutitut inatsisini assigiinngitsuni aalajangersakkat ilaasa kunngip peqqussutaatigut Kalaallit Nunaannut atuutsilernissaannik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut. (Piginnittuiit pillugit malittarisassiat piviusunngortinneri)

Imm. 126: Sulliviit inuussutissarsiutitut ingerlatat ilaat pillugit inatsisip allanngortinneqarneranut inatsisini assigiinngitsuni aalajangersakkat ilaat kunngip peqqussutaatigut Kalaallit Nunaannut atuutsilernissaat pillugu inatsit pillugu Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut. (Piginnittuiit pillugit malittarisassiat piviusunngortinneri)

Imm. 127: Aningaasaateqarfiit aamma peqatigiiffiit ilaat pillugit inatsisip allanngortinneqarnissaanut inatsisit assigiinngitsut kunngip peqqussutaatigut Kalaallit Nunaannut atuutsilersinneqarnissaat pillugu Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut. (Piginnittuiit pillugit malittarisassiat piviusunngortinneri)

(Nunanut Allanut, Inuussutissarsiornermut, Niuernermet Silallu Pissusianut Naalakkersuisoq)
Saqqummiussinermet allakkiaq (Nunanut Allanut, Inuussutissarsiornermut, Niuernermet Silallu Pissusianut Naalakkersuisoq)

Nunarsuaq najugarput misigitsaattorpassuarnik pinerliiniarpassuarnillu inoqarpoq.

Ajoraluartumillu inoqarpoq qanorluunniit inatsisit avaqqutaarniarsaralugit aningaasanik ajortuliorniarnermik malunnarunnaarsaanermillu putussarsiortuartsunik.

Tamannalu pillugu Atassummiit nuannaarutigaarput, maanna naalakkersuisut saqqummiussaqaarmata, aningaasaq nalinginnaq atorniarneqarsinnaaneranut malunnarunnaarsarneqarsinnaanerannullu akiuiniarnermut siunertaqartumik.



Kinaluunniit suliffeqarfimmik piginnittuittut inissisimasuusoq taamaalillunittaaq inatsisitigut illersugaasumik inissisimasuulissaaq, qunusaarneqarsinnaanermik pinerliiniarnermulluunniit siunertaqartumik aningaasanik “errorituiniarnermut” atorniarneqarsinnaanissamiik aarleqquteqarsinnaanermik peqarani.

Minnerunngitsumittaaclu isiginiagassaallunittaaq, suliffeqarfiit akunnerminni aningaasanik eqqunngitsumik nikisiteralutik pisinnaanerattaaq eqqumaffigineqarsinnaanngortussanngormat. Takuneqartareerpormi allaat ajoraluartumik pisortat suliffeqarfiutaaniluunniit tamanna, tamakku siunissami pinngitsoortilluinnartariaqarnermi pisariaqarpoq.

Naak paasinaraluartoq maanna Qallunaat nunaanni IVS atorunnaarsinneqareertoq, nunatsinni maanna ilanngulluni atorunnaarsinneqarnerattaaq uggornaalussinnaavoq, aallarnisartummi maanna I/S (soqutigisaqaqatigiiffiit) imaluunniit inuit ataasiakkaat suliffeqarfeeraataattut aallartittariaqartarput, toqqaannartumik ApS-imut A/S-imulluunniit pinissaq aningaasatigut imaaliallaannarneqarsinnaaneq ajormat.

I/S-itummi ingerlatilluni annertuumik aningaasatigut atuiffiusimappat aningaaserivimmiillu attartornermiik kinguneqartariaqarsimappat, sulinermi arlaatigut pikkorliortoormik ingerlanerliuleriasaarnermilluunniit eqqugaasooranni, akiitsoqarfigisanullu akiliisinnaajunnaarluni isaasalerlugu ikianut allaat tamaasa arsaarinnissutigineqarsinnaammata akiitsorilikkanut matussusiiniarnermi.

Taamaattoq Atassummiit naalakkersuisoq taamaammat kaammattorusupparput, ApS-inut tunngassuteqartuni suli annerungaartumik innuttaasunut aallarnisarusunnermik siunnerfeqartunut qaammarsaanerunissamik aallutaqarnissaannik.

Taamatut oqaaseqarluta Atassummiit siunnersuut Inuussutissarsiornermut Aatsitassanullu Ataatsimiitsitaliamut innersuupparput.